

聿修堂医书选

伤寒论辑义 伤寒论述义

金匱玉函要略辑义

金匱玉函要略述义

日本 丹波元简 等著

人民卫生出版社

聿修堂医书选

伤寒论辑义 伤寒论述义

金匱玉函要略辑义

金匱玉函要略述义

日本・丹波元简 编著
丹波元坚

人民卫生出版社

聿修堂医书选
伤寒论辑义 伤寒论述义
金匱玉函要略辑义
金匱玉函要略述义
日本·丹波元简 编著
丹波元坚

人民卫生出版社出版
(北京市崇文区天坛西里10号)
北京印刷一厂印刷
新华书店北京发行所发行

787×1092毫米32开本 29 $\frac{1}{2}$ 印张 4插页 652千字

1983年6月第1版第1次印刷

印数: 1—11,600

统一书号: 14048·4222 定价: 4.35元

21049 / 12

出版说明

为了适应广大读者学习和研究祖国医学的需要，本社在出版历代中医名著的同时，选印出版了一部分朝鲜、日本等国编辑的有关中医中药的古代著作。在这些书籍中有我国散佚的大量珍贵医药文献，对学习和提高祖国医学有相当的参考价值。

“聿修堂医书”主要包括日本汉方医学名家丹波元简（公元1755～1810）、丹波元胤（公元1789～1827）、丹波元坚（公元1795～1857）父子三人的医学著作，共约二十余种，其中大部分早在我国出版过。由于丹波父子等医学水平高超，汉学造诣较深，所编各书，颇受读者欢迎；其中有的著作，已起到工具书的效用，成为学习、研究中医人员的必备书。因此，为供社会需求，便利读者，特精选出对科研、教学、临床有实用价值的《素问识》、《素问绍识》、《灵枢识》、《难经疏证》（合订一册），《伤寒论辑义》、《伤寒论述义》、《金匱玉函要略辑义》、《金匱玉函要略述义》（合订一册），《杂病广要》（单行本），《伤寒广要》、《药治通义》、《救急选方》、《脉学辑要》、《医剩》（合订一册），以及《中国医籍考》（单行本）等十五种分为五辑，每辑单独发行。

由于受到当时历史条件的限制，这些书中难免夹杂一些不尽符合现代科学的内容，希望广大读者正确对待，从中吸取精华。

人民卫生出版社

内 容 介 绍

《伤寒论辑义》七卷，丹波元简编著。成书于公元1822年。

本书以明·赵开美复宋版《伤寒论》为底本，参考别本、注本，辑集诸家见解，以阐发伤寒论说而成。首列“综概”一节，总叙《伤寒论》一书的始末。正文在《伤寒论》每一条之下，选辑诸家注解，或一、二家之言，或众说并蓄，删冗节要，融汇贯通。书中又间有作者训释与按语，正误明辨，可帮助读者去从可循。

全书简要切用，颇有参考价值。特别是对于深入学习与研究伤寒学科的中西医务工作者，是一种很好的读物。

《伤寒论述义》五卷，丹波元坚编著。成书于公元1843年。

本书要旨为述其父丹波元简所编《伤寒论辑义》一书之余意而作。

书中一方面介绍本人学习《伤寒论》一书的心得；另一方面，阐发《伤寒论辑义》一书未尽之义，予以覆核辨订，并斟酌诸家之说，而补其《辑义》之所遗。故本书实为《辑义》一书的姊妹篇。

全书内容，提纲挈领，简明切要，论中有注，义理精详。又汇古今注家，结合自己临床实践，对原书某些条文的阐述，颇有见的。书后附答问及述义补，均为研读《伤寒论》之体会，读者从中可以受到启发。

因此，本书也是学习、研究伤寒学科较为实用的参考书。

《金匱玉函要略輯義》亦丹波元簡編著。

作者撰《傷寒論輯義》一書後，於晚年又輯定本書，兩書不僅體例基本相同，且依《仲景全書》而論，二者實具不可分割的聯繫。

本書以宋林億等校本為底本，旁校明徐鎔、趙開美等本，加以校勘。卷首“綜概”一節，舉有文獻記載、解題并考訂了書名、作者、成書年代等內容；正文在《金匱要略方論》每一條之下，匯輯各名家注解，以闡發金匱要略之經旨，書中又間有作者訓釋與按注正誤明辨，評述簡明，立論允當，可幫助讀者理解原文經義。

由於本書切合適用，參考價值較大，是對於學習、鑽研雜病學科的中西醫務人員的必要讀物。

《金匱玉函要略述義》三卷，為丹波元堅編著，成書於公元1842年。

本書的編撰目的，據作者本人介紹：在補充其父撰著的《金匱要略輯義》一書所失載的內容同時，兼而增入他個人在进行《金匱要略》全書鑽研過程中所取得的心得體會。從而可知，“述義”與“輯義”二者相輔相成，互為聯繫，互為補充的。

全書內容與編寫體例，基本上和“輯義”相同，只是內容數量多少，有所差別。本書對研究內科雜病及臨床參考，有其一定的價值。

伤寒论辑义

日本·丹波元简 编著

人民卫生出版社

伤寒论辑义序

许叔微曰。读仲景论。不能博通诸医书。以发明其隐奥。专守一书。吾未见能也。余蚤奉家庭之训。读伤寒论。间从一二耆宿。有所承受。然既无超卓之才。何有创辟之识。因循苟且。粗领会崖略。以为临证处方之资。忽忽二十余年矣。唯癖嗜聚书。以所入之羸。颇多储蓄。如伤寒一科。殆至四十余家。以事务倥偬。不克颺心于抽绎。仅供一时披寻耳。会丙辰秋。为人讲斯书。因顾世为仲景书者。或谓伤寒论。只当于原文中。字栞句比。参证互明。以求其归趣。别开心眼。后世注家。迂腐之谈。无益方术。一概抹杀而可矣。是盖性高明者。宜如此也。如余则谓宋元而降。解释此书者。亡虑数十家。深讨蒐穷。各竭其心。其间虽意见各出。得失互存。均之非无追溯仲景渊源者焉。呜呼。余也才识不能逮今人。安能望于前贤。矧竭一人之心力智巧。乃孰与假数百年间。数十贤之所竭心力智巧。而以为吾有也。于是公私应酬之暇。陈所储蓄。逐条历考。旁及他书。广求密搜。沈思默想。窃原许氏之旨。而期阐发其隐奥。临证以辨疑。处方得精当而已。遂录以成一书。亦聊便于讲肄。是吾志也。而取诮于高明者。吾不忧也。凡七卷。名曰伤寒论辑义。昔人云。易稿则技精。屡剏则艺进。是书之成。但恐决择未精。或失繁芜。辑以俟他日之删汰云尔。岁享和纪元春二月望。直舍书。丹波元简廉夫。

伤寒卒病论集原序 柯本。卒。作杂。宜从。

详见于综概。方氏以降诸本。并无集字。

论曰。程本。删论曰二字。锡志柯同。余每览越人入就之诊。望齐侯之色。二事。见史记扁鹊传。未尝不慨然叹其才秀也。慨。慨通。说文。慨。叹也。诗王风。慨其叹。又曹风。代我嘉叹。代。即慨字。案晋潘岳间居赋序。岳尝读扁鹊传。至司马安四至九卿。而良史书之。以巧宦之目。未尝不慨然废书而叹文法略同。并原于史孟轲列传。怪当今居世之士。曾不留神医药。精究方术。史秦始皇纪。召文学方术之士。汉平帝纪。方术本草。上以疗君亲之疾。下以救贫贱之厄。中以保身长全。以养其生。但竞逐荣势。企踵权豪。汉萧望之传。天下之士。延颈企踵。争愿自效。孜孜汲汲。博雅。孜孜汲汲。副也。惟名利是务。崇饰其末。忽弃其本。华其外而悴其内。皮之不存。毛将安附焉。左传。僖十四年文。卒然遭邪风之气。婴非常之疾。婴疾。又见后汉李膺传。患及祸至。而方震栗。降志屈节。论语微子。不降其志。不辱其身。家语。季子适于孔子曰。夫子之于司寇也。日少而屈节数矣。不可以已乎。欲望巫祝。尔雅。钦。敬也。楚语。在男曰覲。在女曰巫。说文。祝。祭主赞词者也。告穷归天。束手受败。束手。见后汉光武纪。赍百年之寿命。赍。当作资。资。资同。千金方作资。资。亦持也。左传僖三十二年注。上寿百二十岁。中寿百岁。下寿八十。庄子盗跖篇。人上寿百岁。中寿八十。下寿六十。持至贵之重器。委付凡医。恣其所措。咄嗟呜呼。何休公羊注曰。噓。咄嗟也。厥身已毙。神明消灭。变为异物。贾谊鹏鸟赋。化为异物兮。又何足患。幽潜重泉。江淹述哀诗。美人归重泉。李善注。引潘岳悼亡诗。之子归穷泉。重壤水幽隔。徒为啼泣。痛夫。举世昏迷。莫能觉悟。不惜其命。若是轻生。彼何荣势之云哉。案从当今居世之士至此。千金方序论。引张仲景曰。文与此少异。而进不能爱人知人。退不能爱身知己。遇

灾值祸。身居厄地。厄。何本作死。蒙蒙昧昧。意若游魂。意。千金作慧。柯本作蠢。礼哀公问。寡人意愚冥烦。易系辞。游魂为变。皇甫谧甲乙经序曰。夫受先人之体。有八尺之躯。而不知医事。此所谓游魂耳。盖此义也。哀乎趋世之士。驰竞浮华。不固根本。忘躯徇物。庄子让王篇。今世俗之君子。危身弃生以徇物。危若冰谷。潘岳寡妇赋。若履冰而临谷。李善注。毛诗曰。惴惴小心。如临于谷。又曰。战战兢兢。如履薄冰。北史周武帝纪。诏曰。每一念及。若临冰谷。至于是也。余宗族素多。向余二百。建安纪年案纪年。纪元之年也。汉书武帝纪。元狩元年。冬十月。祠五畤。获一角兽。以燎。始以天瑞纪元。以来。犹未十稔。左传襄二十七年。不及五稔。注。稔。年也。熟也。谷一熟。为一年。其死亡者。三分有二。案此乃当今居世之士。委付凡医。故如是尔。伤寒十居其七。感往昔之沦丧。书微子篇。今殷其沦丧。博雅。沦。没也。伤横夭之莫救。乃勤求古训。书毕命。不由古训。于何其训。博采众方。撰用素问。九卷。八十一难。志云。素问九卷者。素问八十一篇。内有遗阙。故举其卷。灵枢君臣问答八十一篇。毫无遗阙。故举其篇。案九卷。即灵枢。八十一难。即难经也。志聪注太谬妄。阴阳大论。案林亿等。以素问运气七篇。为阴阳大论。然无明据焉。胎产药录。志云。胎产药录者。如神农本草经。长桑阳庆禁方之类。胎产者。罗列之谓。案此说未有所据。并平脉辨证。柯云。仲景言平脉辨证。为伤寒杂病论。是脉与证。未尝两分也。案平脉辨证。亦似书名。然史志未著录。今无所考。为伤寒杂病论合十六卷。虽未能尽愈诸病。庶可以见病知源。若寻余所集。思过半矣。易下系辞。知者观其彖辞。则思过半矣。王弼云。过半之益。不亦宜乎。孔颖达云。聪明知达之士。观彖辞。则能思虑有益。以过半矣。夫天布五行。以运万类。人禀五常。以有五藏。白虎通曰。五常者何。谓仁义礼知信也。五藏。肝仁。肺义。心礼。肾知。脾信也。经络府俞。气府。俞穴。阴阳会通。易上系辞。观其会通。以行其典礼。玄冥幽微。变化难极。自非才高识妙。岂能探其理致哉。案才高。与首段才秀应。上古有神农黄帝岐伯伯高雷公少俞少师仲文。案仲文。史书医传等。无考。中世有长桑扁鹊。汉有公乘阳庆及仓公。下此以往。未之闻也。

观今之医。即前段所谓凡医。不念思求经旨。以演其所知。各承家技。终始顺旧。省疾问病。务在口给。论语。御人以口给。何晏注。佞人口辞捷给。相对斯须。斯须。犹须臾。礼乐记。礼乐不可斯须去身。便处汤药。按寸不及尺。寸谓寸口。尺谓尺肤。握手不及足。人迎跌阳。三部不参。十便良方。引王叔脉诀曰。说脉之法。其要有三。一曰人迎。在结喉两旁。法天。二曰三部。谓寸关尺。在于腕上侧。法人。三曰跌阳。在足面系鞋之所。法地。三者皆气之出入要会。所以能决吉凶死生。凡三处。大小迟速。相应齐等。则为无病之人。故曰。人迎跌阳。三部不参。动数发息。不满五十。未知生死。所以三者决死生之要也。动数发息。不满五十。灵枢根结篇曰。脉。不满五十动。而一止者。一藏无气。故须候五十动。短期未知。陆机叹逝赋。嗟人生之短期。李善注。素问。雷公曰。请问短期。决诊。九候。见素问三部九候论。曾无仿佛。说文曰。仿。相似也。佛。见不审也。明堂阙庭。尽不见察。灵枢五色篇曰。明堂。鼻也。阙者。眉间也。庭者。颜也。所谓窥管而已。庄子曰。魏牟谓公孙龙曰。乃规规而求之以察。索之以辨。是直用管窥天。用锥指地。不亦小乎。夫欲视死别生。实为难矣。案齐侯犹生。而视其死。就太子已死。而别其生。首以越人之才秀起。故结以此二句。○夫天以下。止难矣。千金方。载治病略例首。文与此少异。孔子云。生而知之者上。学则亚之。多闻博识。知之次也。论语季氏篇曰。孔子曰。生而知之者上也。学而知之者次也。困而学之又其次也。文异义近。余宿尚方术。请事斯语。论语颜渊篇。雍虽不敏。请事斯语。○案生而知之者。乃前段所谓其才之秀者也。学与多闻博识。乃前段所谓勤求古训。博采众方之类是也。盖生而知之者。天之所赋。不可企而及。学与多闻博识。人之所能。皆可勤而至矣。当今居世之士。不留神医药。精究方术。独仲景宿尚之。然无越人之才之秀。唯欲多闻博识。以精究之。故诵孔子语。以服膺而已。此盖仲景之谦辞。汉长沙守南阳张机著。

程应旂曰。案古人作书大旨。多从序中提出。故善读书者。未读古人书。先读古人序。从序法中。读及全书。则微言大义。宛然在目。余读伤寒论仲景之自序。竟是一篇悲天悯人文字。从此处作论。盖即孔子惧作春秋之微旨也。

林亿等校定序曰。张仲景汉书无传。见名医录。云。南阳人。名机。仲景乃其字也。举孝廉。官至长沙太守。始受术于同郡张伯祖。时人言。识用精微过其师。太平御览。引仲景方序论。文同按皇甫谧甲乙经序云。汉有华佗张仲景。仲景见侍中王仲宣。时年二十余。谓曰。君有病。四十当眉落。眉落半年而死。令服五石汤可免。仲宣嫌其言忤。受汤勿服。居三日。见仲景。谓曰。服汤否。仲宣曰。已服。仲景曰。色候固非服汤之诊。君何轻命也。仲宣犹不言。后二十年果眉落。后一百八十七日而死。终如其言。此事。虽扁鹊仓公。无以加也。太平御览。引何颙别传。文同又晋书皇甫谧传。仲景垂妙于定方。抱朴子。仲景开胸纳赤饼。出初学记。及素问王冰注。今抱朴子无所考。晋去汉未远。其见称于当时如何。仲景虽于汉书无传。其为汉末人无疑矣。后汉书刘表传。建安三年。长沙太守张羡。率零陵桂阳三郡畔表。表遣兵攻围。破羡平之。注。英雄记曰。张羡南阳人。盖仲景。羡之族。岂表破羡之后。使仲景代之乎

凡 例

一伤寒论有二本。一为宋本。系宋治平中高保衡等校定。一为金成无己注解本。而金匱玉函经。亦是伤寒论之别本。同体而异名者。盖从唐以前传之。大抵与千金翼所援同。外台。柴胡加芒硝汤方后。引玉函经。方与今本符。脉经外台秘要所引。互有少异同。方有执以降诸家注本。尽原成本。案成本。今收医统正脉中。而又有汪济川王执中张遂辰等校本。余家所藏。独为元版。盖系聊摄之旧本。而又有小小异同者。盖各家以意所改。非敢有别本而订之。方氏所谓蜀本。程氏所谓古本。未知何代所刊。特可疑耳。今行宋板。明赵开美所翻雕。虽非原本。文字端正。不失治平之旧格。成氏注本。又有少异。唯明理论所载。或有与宋本文同者。又案李时珍本草纲目。人参柴胡。惟张仲景伤寒论。作人蓂苡胡。今世未见此本。唯成注释音。载蓂音参。苡音柴。的知古本如此。今原文一遵宋版。而诸本异同。尽注各条下。以备参考。

一书名辑义。每条必钻研诸家注解。虚心夷考。衡别是非。采辑其最允当于本文者。或一条止一二家。或一条兼众说。大抵以文义相须为先后。不敢拘注家之世次。删冗语节要义。不致彼此迭见。眩惑心眼。要使文义较著。旨趣融贯而已。但其中脱文误字。其义难领会者。则姑举数说。不敢判其然否。以俟来哲。所辑入诸家。一仿金坛王氏之义例。〔成〕者。无己也。伤寒论注解〔赵〕者。嗣真也。〔宸〕者。沈亮宸也。以上二家。系仲景全书中所引。〔兼〕者。张兼善也。系准绳所引。〔王〕者。宇泰也。伤寒准绳〔方〕者。有执也。伤寒条辨〔喻〕者。昌也。伤寒尚论篇〔徐〕者。彬也。伤寒原方发明〔程〕者。应旆也。

伤寒后条辨〔钱〕者。潢也。伤寒溯源集〔柯〕者。琴也。伤寒论注〔周〕者。扬俊也。伤寒三注〔张〕者。璐也。伤寒续论〔志〕者。张志聪也。伤寒论集注〔印〕者。伤寒宗印也。张志聪著〔锡〕者。张锡驹也。伤寒直解〔魏〕者。荔彤也。伤寒论本义〔三〕者。王三阳也。伤寒纲目〔汪〕者。琥也。伤寒辨注〔闵〕者。芝庆也。伤寒闡要编〔林〕者。澜也。〔沈〕者。明宗也。〔郑〕者。重光也。〔知〕者。程知也。〔驹〕者。吴人驹也。以上六家。系金鉴所引。〔鉴〕者。乾隆御纂医宗金鉴也。〔吴〕者。仪洛也。伤寒分经〔舒〕者。诏也。再重订伤寒论集注此余不专疏释。而别立论。以阐发本经之义者。作注外之注。附各条后。其姓氏书目。以涉繁琐。今不揭示于此。

一注家有为新奇之说者。遽见之则似可依据。然其实大眩惑后人。如是者。则略加辨驳。亦注于各条之后。

一古今方书。用仲景方立医案。及为之加减者。足以启发运用之机。故随所见。而附各方后。

一文字训释。非医家可深研。然几几温温剂颈辮地之类。不究其义。于临证施理之际。不无疑滞。故细检查考。多方引证。亦附条末。非敢骛博也。

一论中误文脱字。不敢妄加删改。并注各条后。本汉儒尊经之遗意而已。

综 概

伤寒论。后汉张仲景著。晋王叔和撰次。经六朝隋唐。而未见表章者。至宋治平中。始命儒臣校定之。高保衡孙奇林亿等序。载开宝中。节度使高继冲。曾编录进上。其文理舛错。未尝考正。案开宝。宋太祖时号。刘完素原病式云。唐开宝中。误。历代虽藏之书府。亦阙于雠校。国家诏儒臣。校正医书。先校定张仲景伤寒论十卷。总二十二篇。合三百九十七法。除重复有一百一十二方。案原一百十三方。阙禹余粮丸一方。故云尔。其命书以伤寒者。仲景自序。称其宗族余二百。建安纪年以来。犹未十稔。其死亡者。三分有二。伤寒十居其七。感往昔之沦丧。伤横夭之莫救。遂作此书。考论中。伤寒乃外感中之一证。太阳病或已发热。或未发热。必恶寒体痛呕逆。脉阴阳俱紧者。名为伤寒。此即麻黄汤之所主。其十分之七。岂尽以麻黄汤一证而死乎。盖伤寒者。外感之总称也。素问。黄帝问热病者。伤寒之类也。而岐伯答以伤寒一日太阳云云。难经。伤寒有几。曰有中风。有伤寒。有湿温。有热病。有温病。千金方。引小品云。伤寒雅士之辞。云天行瘟疫。是田舍间号耳。不说病之异同也。考之众经。其实殊异矣。肘后方云。贵胜雅言。总呼伤寒。世俗因号为时行。外台秘要。许仁则论天行病云。此病。方家呼为伤寒。而所以为外感之总称者。盖寒为天地杀厉之气。亘于四时。而善伤人。非温之行于春。暑之行于夏。各王于一时之比。是以凡外邪之伤人。尽呼为伤寒。仲景所以命书者。只取于此而已。如麻黄汤证。则对中风而立名者。即伤寒中之一证。其义迥别矣。后汉崔实政论。

夫熊经鸟伸。虽延历之术。非伤寒之理。呼吸吐纳。虽度纪之道。非续骨之膏。案所谓伤寒。乃指天行病。盖用雅士之辞也。张子和儒门事亲云。春之温病。夏之暑病。秋之疟及痢。冬之寒气及咳嗽。皆四时不正之气也。总名之曰伤寒。孙应奎医家类选云。凡风寒暑湿热燥。天之六气。自外而中人五藏六府。十二经络者。四时之中。皆得谓之伤寒。程氏后条辨云。伤寒有五之寒字。则只当得一邪字看。而系之以论者。程氏后条辨曰。论。即论定后官之论。案礼王制。司马辨论官材。论定然后官之。是也。论之为言。有法有戒。有案有例。在仲景俨然以笔削自任。作一部医门断定之书。故论字。断不可以曰篇曰书曰集等字代之。方氏条辨亦曰。书曰论。何也。论也者。仲景自道也。盖谓愤伤寒之不明。戚宗族之非命。论病以辨明伤寒。非谓论伤寒之一病也。其文经也。其事则论。其意则又不欲以经自居。易曰。谦谦君子。此之谓也。吾故曰。名虽曰论。实则经也。虽然若曰伤寒经。殊乖矣。必曰医经。称情哉。案论。是论难之论。内经诸篇。有岐黄问答之语者。必系以论字。无之者则否。金匱要略。各篇标题下。有论几首。证几条。方几首。考之于原文。其云论者。乃问答之语也。丹溪朱氏格致余论序云。假说问答。仲景之书也。则其为论难之论。盖较然矣。后人尊崇之至。遂以论语之论释焉。恐非命书者之本旨也。

仲景自序首。题曰伤寒卒病论。卒。乃杂之讹。序中云。作伤寒杂病论合十六卷。其为传写之谬可知矣。隋经籍志。有张仲景方十五卷。而无伤寒论之目。盖得非当时以湮晦而不见之故耶。旧唐经籍志。亦因隋志。而不收其目。至新唐艺文志。则云王叔和张仲景方十五卷。伤寒卒病论十卷。杂之讹卒。其来旧矣。杂病。乃对伤寒。而谓中风历节血痹虚劳等之类。杂病论。即今金匱要略。喻氏云。卒病论。已不可复睹。钱氏云。卒病论。早云亡。程氏云。本论具有治杂病之方法。故云伤寒杂病论。柯氏云。凡

条中不贯伤寒者。皆是杂病。故曰伤寒杂病论。此数说皆不可从也。又隋经籍志注。载梁七录。张仲景辨伤寒十卷亡。今伤寒论。每篇尽冠辨字。即此指今伤寒论。而其云亡者。盖千金方。称江南诸师。秘仲景伤寒方法不传。然则隋志云亡者。其实非亡也。七录艺文志。并云十卷。考诸仲景自序。乃缺六卷。盖伤寒论十卷。杂病论六卷。各别行于世者。而王焘外台秘要。载金匱要略诸方。而曰出张仲景伤寒论某卷中。则唐时其全帙十六卷。不易旧目者。才存台阁中。王氏知弘文馆图籍方书等时。特得探其秘要。而载之其著书。今所传十卷。虽重复颇多。似强足十卷之数者。然逐一对勘。大抵与外台所引符。则今伤寒论。不可断为非七录及唐志之旧也。案外台引伤寒论。考其卷目。

桂枝汤云。出第二卷中。知太阳上篇。在第二卷。葛根汤。麻黄汤。小柴胡汤。小建中汤。云出第三卷中。知太阳中篇。在第三卷。柴胡桂枝干姜汤。大陷胸丸。大小陷胸汤。大柴胡汤。半夏泻心汤。文蛤散。白散。云出第四卷中。知太阳下篇。在第四卷。大承气汤。茵陈蒿汤。猪苓汤。云出第五卷中。知阳明篇。在第五卷。半夏散及汤。真武汤。乾姜黄连黄芩人参汤。云出第六卷中。知少阴厥阴二篇。在第六卷。其第一。第七。第九。虽无所考。而葛根黄芩黄连汤。云出第七卷中。其余不引药方。则当第一卷。辨脉等篇。第七以下。乃汗吐下可不可等篇。太阳病三日云云。属调胃承气汤条。今本载第五卷阳明篇。而云出第十卷。伤寒汗出恶寒。身热。大渴不止。欲饮水一二斗者。白虎加人参汤主之。此条今本不载。盖系于脱漏。而亦云出第十卷中。知辨发汗吐下后病。在第十卷。由是观之。伤寒论。大抵与今本。无大异同。如杂病。则痙痙。在第十一卷。黄疸。在第十四卷。疟病。胸痹心痛。寒疝。在第十五卷。呕吐哕。在第十六卷。而百合病论并方。霍乱。理中汤。附子梗米汤。四逆汤。通脉四逆汤。并云出第十七卷中。肺胀。小青龙加石膏汤。越婢加半夏汤。肺病桔梗白散。并云出第十八卷中。是王氏所见本。不止第十卷。乃知杂病分门次第。与金匱要略。大不同。此可以窥唐旧本之崖略也。故备录于此

晋皇甫谧序甲乙经云。伊尹以元圣之才。撰用神农本草。以为汤液。汉张仲景论广汤液。为十数卷。用之多验。近世